

UST

Umhverfisstofnun

Environment and Food Agency of Iceland

Laugavegur 24  
IS - 108 Reykjavík, Ísland

Tel. (+354) 591 2000

Fax (+354) 591 2010

umhverfisstofnun@ust.is

www.umhverfisstofnun.is

Skipulagsstofnun  
Rúnar Dýrmundur Bjarnason  
Laugavegi 166  
150 Reykjavík

Reykjavík, 4. júlí 2006  
Tilvísun: UST20060600072/bs

### Efnistaka við Eyvindará á Fljótsdalshéraði. Umsögn

Vísað er til bréfs Skipulagsstofnunar dags. 12. júní sl. þar sem óskað er umsagnar Umhverfisstofnunar um ofangreinda efnistöku.

Fyrirhugað er efnistaka við Eyvindará á Fagradal. Áætlað er að taka um 400.000 m<sup>3</sup> í tveimur áföngum á um 260.000 m<sup>2</sup> svæði og mun efnistakan standa til ársins 2035.

Í frummatsskýrslu er lögð fram allitarleg áætlun um vinnslu og frágang. Umhverfisstofnun telur æskilegt að ganga frá hluta vinnslusvæðis árlega til að tryggja sem besta uppgræðslu og minnka ofanafýtingarhauga. Stofnunin telur að kanna ætti hvort unnt verði að koma á slíku verklagi.

Í skýrslunni er fjallað ítarlega um áhrif framkvæmdarinnar á eftirfarandi þætti: Umhverfi, fuglalíf, vatnalíf auk áhrifa á landslag og sjónræna þætti. Fjallað er um mótvægisáðgerðir og gerð grein fyrir þeim sem þeirra er talin þörf.


Umhverfisstofnun telur umfjöllun í frummatsskýrslu um ofangreind atriði til fyrirmyndar. Fyrirhugað efnistökusvæði er á mörkum þess svæðis sem lagt er til að verði friðlýst í tillögu Umhverfisstofnunar sem birt var í Náttúruverndaráætlun 2004-2008. Ástæður friðlýsingar eru að á Egilsstaðahásli er að finna birkiskóg með sérstæðu gróðurfari og sjaldgæfum plöntutegundum.


Umhverfisstofnun telur að fyrirhugað efnistaka muni ekki hafa áhrif á það gróðurlendi sem lagt er til að verði verndað með friðlýsingu.

Umhverfisstofnun telur að fyrirhugað efnistökusvæði sé vel valið með tilliti til sjónrænna áhrifa bæði meðan á efnistöku stendur og að henni lokinni. Svæðið liggur lágt í landi, náman verður unnin grunnt, unnt er að taka tiltölulega lítil svæði fyrir í einu og frágangur verður samstíga vinnslu.

Að teknu tilliti til ofangreindra atriða telur Umhverfisstofnun ekki líklegt að efnistaka við Eyvindará muni hafa umtalsverð umhverfisáhrif í för með sér.

Virðingarfyllt

  
Björn Stefánsson

  
Helgi Jónsson  
Forstöðumaður